

不可不糾正也○禁府判事張順孫知事尹殷輔同知事黃孟獻來啓

曰金協改照律事以判付見之當爲一罪而臣等不知律文問律官則

云詐不以實律外無他當律律文有事君以忠貴在誠信對制上奏其

可詐乎此責其欺也此律似合而協之罪亦不合於欺君矣且棄毀制

書之律欲擬照亦不合故不得已以前律照啓矣律加一百徒三年比

照傳曰金協事初無當律故以徒年照律而臺諫以罪重律輕請更照

律無當律則如此可矣然無盡奪告身之語其改付標以啓○傳曰行

幸時彼此必有往來之事城門及宮城門開閉宜用徽旨標信此固世子

年幼故用此標信耳○夜辰方巽方如火氣○乙丑下金協照律曰協

雖有功臣而臺諫前以輕照而請改故不減贖杖則○傳曰初八日省記

進于大妃殿日有緊急事皆宣焉若軍簿則取稟於大晝停可也○

傳曰都城門及宮城門非時開閉與允公事當於大妃殿啓稟施行

而允軍令諸事則用內旨標信宮城門留門則用開門標信都城門留

門則用符驗宮城都城閉門則用閉門標信可也且兩所巡及興仁門

別定宣傳官兵曹郎官守直○奉常寺提調鄭光弼高荆山來啓曰奉

常寺乃祭享所故奴婢他役則自祖宗朝例必推還臣等不得詳察